


Сирли пулларни ўзлаштирган воситачи



14:01 / 05.06.2022 2858

Мафия етакчиларидан бири қўл остида ишлайдиган бухгалтерининг ўғрилигини, у йиллар давомида ўзи фаолият юритаётган фирма пулларидан ўмараётганини, ўғирланган пуллар ўн миллион долларга етганини билиб қолди. Бухгалтер эса кар ва соқов эди. Раҳбарнинг уни ҳисобчиликка тайилашининг сабаби ҳам кар, соқовлиги эди. Чунки ҳеч нарсани гапира олмайдиган ҳисобчи ҳеч нарсани эшита олмайди ҳам. Бу эса бухгалтерни суд залига гувоҳликка чақирилганда раҳбар учун қўл келадиган ҳолат эди. Кунлардан бир куни раҳбар ўзига маълум бўлган ўғирликни ҳисобчига айтиб пулларни ундиromoқчи бўлди ва сурдо таржимон ёллади. Кейин унга: «Бухгалтердан сўра, ўғирланган ўн миллион доллар қаерда?», деди.

Таржимон ундан пулларни сўради. Бухгалтер аввалига ўзини билмаганга олиб: «Тушунмадим, нима ҳақида сўраяпсиз», деди.

Таржимон унинг гапини таржима қилиб: «Жаноб, у сизни нима ҳақида гапираётганингизни тушунмаяпти», деди.

Раҳбар тўппончасини бухгалтернинг юзига ўқталиб, таржимонга: «Ундан яна бир марта сўра», деди.

Таржимон имо-ишора ёрдамида: «Пул қаердалигини айтмасанг, раҳбар сени ўлдирап экан», деди.

Бу гапни эшитган бухгалтер: «Тушунарли, пуллар орқа маҳалладаги машиналар тураргоҳининг ортидаги ерга қора сумкага солиб кўмилган», деди.

Раҳбар таржимондан: «У сенга нималар айтди», дея сўради.

Таржимон: «У сизни қўрқоқ, ҳашарот, ўт очишга кучи етмайди, деяпти», деди.

Бу гаплардан ғазабланган раҳбар ўт очиб бухгалтерни ўлдириди ва натижада пуллар таржимонга қолди.

Хулоса

Ўртада турганга, икки томоннинг ўртасида турган воситачига, бир томоннинг фикрини нариги тарафга етказаётганга тўлиқ ишониб юбориш катта хато. Чунки сиз ўзингизга етказилган гап бўйича иш олиб борасиз, қарорларингизни шунга асосланиб қабул қиласиз. Агар воситачи омонатдор бўлмаса, сизга ёки нариги томонга хиёнат қилса, ишингиз битиши у ёқда турсин, нариги тараф билан алоқани узишингиз ва кейинчалик ўртада душманчилик кайфияти ҳам пайдо бўлиб қолиши мумкин. Шу боис воситачиларни синовдан ўтказиш, уларни суриштириш, ишончли экани маълум бўлгандан сўнггина хизматга ёллаш керак.

Аллоҳ таоло Қуръони Каримда шундай марҳамат қилади:

نُوْمَ حُرْتُ مُكْلَعَ لَلِ ا اوْقَتٌ اوْ مُنْوْمُ ا مُنْ نِ

«Албатта, мўминлар биродардирлар, бас, икки биродарингизнинг ўртасини ислоҳ қилинг ва Аллоҳга тақво қилинг, шоядки, раҳм қилинсангиз». (Ҳужурот сураси, 10-оят).

Бу борада Расулуллоҳ соллаллоҳу алайҳи васаллам: «Сизларга (нафл) намоз, (нафл) рўза, ва (нафл) садақанинг даражасидан ҳам афзал амални айтайми?» дедилар.

Саҳобалар: «Ҳа», дейишди.

У зот: «Орани ислоҳ қилиш», дедилар. Зоро, бу амал хусумат ортидан келиб чиқиши мумкин бўлган турли кўнгилсизликларнинг олдини олади.

Абу Ҳурайра розияллоҳу анҳудан ривоят қилинади:

Расулуллоҳ соллаллоҳу алайҳи васаллам: «**Қуёш чиқадиган ҳар бир кунда инсонларнинг бўғимлари учун садақа бор. Икки киши ўртасида адолатли бўлмоғинг садақадир. Кишига улови борасида ёрдам бериш, минишига кўмаклашиш ёки юкини кўтариб олиб беришинг садақадир. Яхши сўз садақадир. Намоз сари босилган ҳар бир қадаминг садақадир. Йўлдан озор берадиган нарсани олиб ташлашинг садақадир».**

Имом Бухорий ривояти.

Манба: «Ҳар куни сизни қизиқтирадиган маълумот» саҳифасидан

Арабчадан Нозимжон Ҳошимжон таржимаси

Хуршид Маъруф тайёrlади